

玉函山房輯佚書

周禮鄭司農解詁卷三

春官宗伯第三

乃立春官宗伯使帥其屬而掌邦禮

宗伯主禮之官故書堯典曰帝曰咨四岳有能典  
朕三禮僉曰伯夷帝曰俞咨伯汝作秩宗宗官又  
主鬼神故國語曰使各姓之後能知四時之生犧  
牲之物玉帛之類采服之宜奠器之量次主之度  
屏攝之位壇場之所上下之神祇氏姓之所出而  
率舊典者爲之宗春秋補于大廟躋僖公而傳曰

夏父弗忌爲宗人又使宗人繫夏獻其禮禮特牲  
曰宗人升自西階視盥濯及豆籩然則唐虞三代  
以宗官典國之禮與其祭祀漢之大常是也鄭注  
瞽矇上瞽四十人中瞽百人下瞽百有六十人

無目眇謂之瞽有目眇而無見謂之矇有目無辨  
子謂之瞶

韎師下士二人府一人史一人舞者十有六人徒四  
十人

明堂位曰韎東夷之樂讀味食飲之味

與府器下士四人府四人史二人胥八人徒八十人  
庸器有功者鑄器銘其功春秋傳曰以所得於齊  
之兵作林鍾而銘魯功焉

並同上

大宗伯

以禋祀祀昊天上帝以實柴祀日月星辰以燠燎祀  
司中司命觀師雨師

昊天也上帝元天也昊天上帝樂以雲門實柴  
實中柴上也故書實柴或爲實柴司中三能三階  
也司命文昌宮星風師箕也雨師畢也

鄭注文選潘安仁

開居賦注引三祀皆積柴實  
生體焉燎而生煙以秋傷也

以血祭祭社稷五禋五嶽以鯀沈祭山林川澤以龍  
率祭四方百物

禋當爲祀書亦或作祀五祀五色之帝於王者宮  
中曰五祀罷率披榛牲以祭若今時磔狗祭以止

風

鄭注

言命受職

受職治職事

再命受服

受服受祭衣服爲上士

三命受位

受下大夫之位

四命受器

受祭器爲上大夫

五命受則

則者法也出爲子男

六命賜官

子男入爲卿治一官也

七命賜國

出就侯伯之國

並同上

八命作牧

一州之牧也王之三公亦八命也

鄭注文選沈休文奏彈王源

注引多爾也字

九命作伯

長諸侯為方伯

鄭注

以天產作陰德以中禮防之以地產作陽志以和樂防之

陰德謂男女之情天性生而自然者過時則奔隨  
先時則血氣未定聖人爲制其中令民三十而娶  
女二十而嫁以防其淫泆令無失德性情隱而不  
露故謂之陰德陽德謂分地利以致富富者之失  
不驕奢則吝嗇故以和樂防之樂所以滌蕩邪穢  
道人之正性者也

鄭注

立玉鬯

立爲涖涖視也

大賓客則攝而載果



王不親爲主

則旅上帝及四望

四望日月星海

並同上

小宗伯

掌建國之神立

立讀爲位古者立位同字古文春秋經公卽位爲

公卽立

注鄭

兆五帝於四郊四望四類亦如之

四望道氣出入四類三皇五帝九皇六十四民咸

祀之

掌五禮之禁令

一五禮吉凶軍賓嘉

毛六牲辨其名物而頒之於五它使共奉之

司徒主牛宗伯主雉司馬主馬及羊司寇主犬司  
空主豕

辨六尊之名物

六尊獻尊象尊壺尊著尊大尊小尊

若國大貞

大貞謂卜立君卜大封

若軍將有事則與祭

則與祭謂軍祭表薦軍社之屬小宗伯與其祭事  
大哉及執事禱祠於上下神示

小宗伯與執事共禱祠

大肆以秬鬯泐

大肆大浴也

並同上

肆師

立大祀用玉帛牲牲立次祀用牲幣立小祀用牲

大祀天地次祀日月星辰小祀司命已下注鄭

及果築鬻

築鬻築香草煮以爲鬻

且授之杖

二日授子杖五日授大夫杖七日授士杖此舊說也喪大記曰君之喪三日子夫人杖五日既殯授大夫世婦杖無七日授士杖文

凡師不工

工讀爲功古者工與功同字謂師無功肆師助牽

之恐爲敵所得

治其禮義

義讀爲儀古者書儀但爲義今時所謂義爲詎同  
上

鬱人

和鬱鬯以饋彛而陳之

鬱草名十葉爲貫百二十貫爲築以煮之雉中停

於祭前鬱爲草若蘭

鄭注

鬯人

宗門用剝齋

剝讀爲瓢

鄭注

所用脩凡山川四方用謨凡裸事用概凡醜事用散

鄭注故書  
屢或爲謨

脩謨概散皆器名

共其鬯鬯

鬯讀爲微

凡王弔臨共介鬯

鬯香草王行弔喪被之故曰介

並同上

雞人

而禋粢共其雞牲

而禋四面禋也覺讀爲微

鄭注

司尊彛

春祠夏禴禋用雞彛鳥彛皆有舟其朝踐用兩獻尊  
其再獻用兩象尊皆有罍諸臣之所昨也秋嘗冬烝  
祿用彛彛黃彛皆有舟其朝踐用兩著尊其饋獻用  
兩壺尊皆有罍諸臣之所昨也凡四時之間祭追享  
朝享祿用虎彛唯彛皆有舟其朝踐用兩大尊其再

獻用兩山尊皆有罍諸臣之所昨也

角尊下臺若今時承槃獻讀爲犧犧尊飾以翡翠  
象尊以象鳳皇或日以象背飾尊明堂位曰犧象  
周尊也春秋傳曰犧象不出門尊以祿神罍神之  
所飲也詩曰餅之罄矣維罍之恥罍讀爲秣秣糞  
畫禾稼也黃彝黃目尊也明堂位曰夏后氏以雞  
彝殷以斚周以黃目爾雅曰彝卽罍器也著尊者  
著略尊也或曰著尊著地無足明堂位曰著殷尊  
也壺者以壺爲尊春秋傳曰尊以魯壺追享朝享



謂禘祫也在四時之間故曰間祀唯讀爲蛇虺之  
虺虺或讀爲公用射隼之隼大尊太古之瓦尊山  
尊山髹也明堂位曰泰有虞氏之尊也山髹夏后  
之尊鄭注集韻上平聲五支  
隼字注魚羈反引鄭司農

鬱盞獻酌醴盞縮酌盎盞沔酌凡酒脩酌

獻讀爲儀儀酌有威儀多也沔酌者挹拭勺而酌  
也脩酌者以水洗勺而酌也盞讀皆爲齊和之齊

鄭注

司几筵

設莞筵紛純加緹席畫純加次席黼純左右玉几

紛讀爲幽又讀和粉之粉謂白繡也純讀爲均

服之均純緣也緹讀爲藻率之藻次席虎皮爲席

書顧命曰成王將崩命大保芮伯畢公等被冕服

憑玉几

鄭注

祀先王昨席亦如之

昨席於主階設席王所坐也

昨席莞筵紛純加緹席畫純筵國賓於牖前亦如之

禮記國賓老臣也爲布筵席於牖前

其柏席用萑

柏音迫  
釋文

柏席迫地之席葦居其上或曰柏席載黍稷之席也

凡吉事變几凶事乃几

鄭注故書  
仍爲乃

變几變更其質謂有飾也乃讀爲仍仍因也因其實謂無飾也爾雅曰僣仍因也書顧命曰翌日乙丑成王崩癸酉牖間南鄉西序東嚮東序西嚮皆仍几

並同上

天府

凡國之玉璜大寶器藏焉若有大祭大喪則出而陳之既事藏之

鄭注故書  
璜爲璜

璜讀爲鎮晉顧命曰翌日乙丑王崩丁卯命作冊  
度越七日癸酉陳寶赤刀大訓弘璧琬琰在西序  
大玉夷玉天球河圖在東序盾之舞衣大貝鼈鼓  
在西房兌之戈和之弓垂之竹矢在東房此其行  
事見於經

鄭注

凡官府鄉州及都鄙之治中受而藏之

治中謂其治職簿書之要

上春釁寶鎮及寶器

釁讀爲微或曰釁鼓之聲

季冬陳玉以貞來歲之媿惡

貞問也易曰師貞丈人吉問於丈人國語曰貞於

陽卜

並月  
上

典瑞

王晉大圭執鎮圭纁藉五采五就以朝曰

鄭注汝書  
鎮作瑱

晉讀爲搢紳之搢謂插之於紳帶之間若帶劍也

瑱讀爲鎮玉人職曰大圭長三尺杼上終葵首天

子服之饋圭尺有二寸天子守之縹讀爲藻率之

藻五就五帀也一帀爲一就

鄭

公執桓圭侯執信圭伯執躬圭繅皆三采三就子執  
穀璧男執蒲璧皆三采再就以朝覲宗遇會同于王  
以圭璧見于王覲禮曰侯氏入門右坐奠圭再拜  
稽首侯氏見于天子春曰朝夏曰宗秋曰覲冬日  
遇時見曰會殷見曰同

諸侯相見亦如之

亦執圭璧以相見故邾隱公朝於魯春秋傳曰邾

于執玉高其容仰

琢圭璋璧琮縹皆二采一就以規聘

琢有圻鄂琢起

四圭有邸以祀天旅上帝

於中央爲圭璧著其四面一玉俱成爾雅曰邸本也圭本著於璧故四圭有邸圭末四出故也或說四圭有邸有四角也邸讀爲抵欺之抵上帝元天祿圭有瓚以肆先王以祿賓客

於圭頭爲器可以挹鬯祿祭謂之瓚故詩曰卬彼

玉璫黃流在中國語謂之鬯圭以肆先王祿先王祭也

瑋邸射以祀山川以造贈賓客

射剡也

土圭以致四時日月封國則以土地

玉人職曰土圭尺有五寸以致日以土地以求地中故謂土圭

牙瑋以起軍旅以治兵守

牙瑋瑋以爲牙牙齒兵象故以牙瑋發兵若今時



以銅虎符發兵

壁羨以起度

羨長也此壁徑長尺以起度量玉人職曰壁羨度尺以爲度

駟圭璋璧琮琥璜之渠眉疏璧琮以斂尸

駟外有捷盧也駟讀爲駟疾之駟疏讀爲沙謂圭璋璧琮琥璜皆爲開渠爲眉琢沙除以斂尸令汁得流去也

琬圭以治德以結好

琬圭無鋒芒故治德以結好

琬圭以易行以除慝

琬圭有鋒芒傷害征伐誅討之象故以易行除慝

易惡行令爲善者以此圭責讓喻告之也

並同上

典命

掌諸侯之五義

鄭注故書儀爲義

義讀爲儀

注鄭

公之孤四命以皮帛祗小國之君其卿三命

九命上公得置孤卿一人春秋傳曰列國之卿當

小國之君固周制也同上

司服

祀昊天上帝則服大裘而冕祀五帝亦如之享先王

則衮冕享先公饗射則鷩冕祀四望山川則毳冕

大裘羔裘也衮卷龍衣也鷩裨衣也毳罽衣也鄭注

凡弔事紼經服鄭注故書并作紼

紼讀為弁而加環經環經即弁經服

王為三公六卿錫裘為諸侯纁裘為大夫士纁裘

錫麻之滑易者十五升去其半有事其布無事其

縹總亦十五升去其半有事其縹無事其布疑衰  
十四升

其齊服有玄端素端

衣有襦裳者爲端

注衣服

鄭注故書  
廢爲注

注讀爲廢厭陳也

並同上

典祀

及祭帥其屬而守其厲禁而蹕之

遮列禁人不得令入

鄭注

守祧

掌守先王先公之廟濯其遺衣服藏焉

鄭注改書祧作濯

濯讀爲祧此王者之宮而有先公謂大王以前爲

諸侯

鄭注

其祧則守祧黜陟之

黜讀爲幽幽黑也陟白也爾雅曰地謂之黜牆謂之陟

既祭則藏其幣與其服

隋謂神前所沃濯器名

並同上

世婦

及祭祀比其具

比讀爲庀庀具也

注鄭

凡王后有摯事於婦人則詔相

謂爵婦人

同上

內宗

薦加豆蓬

謂婦人所薦

注鄭

豕八

大喪既有日請度甫窆遂爲之尸

既有日既有葬日也始窆時祭以告后土家人爲

之尸

注鄭

及葬言驚車象人

象人謂以芻爲人言言問其不如瀝度者

凡祭墓爲尸

爲尸家人爲尸

並同上

墓大夫

帥其屬而巡墓屬居其中之室以守之

居其中之室有官寺在墓中

鄭注

職喪

凡國有司以王命有事焉則詔贊主人

凡國謂諸侯國有司謂王有司也以王命有事職

喪主詔贊主人

鄭注

凡其喪祭詔其號治其禮

號謂諡號

同上

大司樂

掌成均之樂



均調也樂師主調其音大司樂主受此成事已調  
之樂鄭注

祭於瞽宗

瞽樂人樂人所共宗也或曰祭於瞽宗祭於廟中  
明堂位曰瞽宗殷學也泮宮周學也以此觀之祭  
於學宮中

鼙鼓鼙鼓孤竹之管雲和之琴瑟雲門之舞

鼙鼓鼙鼓皆謂六面有革可擊者也雲和地名也

鼙鼓鼙鼓

靈鼓靈鼓四面

路鼓路鼓陰竹之管龍門之琴瑟九德之歌

路鼓路鼓兩面九德之歌春秋傳所謂水火金木  
上穀謂之六府正德利用厚生謂之三事六府三  
事謂之九功九功之德皆可歌也謂之九歌也

王師大猷則令奏愷樂

春秋晉文公敗楚於城濮傳曰振旅愷以入於晉

並同

上

樂師

凡舞有帔舞有羽舞有翬舞有旄舞有干舞有人舞

鄭注故書

皇作翬

帔舞者全羽羽舞者析羽皇舞者以羽冒覆頭上

衣飾翬翠之羽旄舞者翬牛之尾干舞者兵舞人

舞者手舞社稷以帔宗廟以羽四方以皇辟廱以

旄兵事以干星辰以人舞翬讀爲皇書亦或爲皇

鄭注

教樂儀行以肆夏跋以采薺車亦如之環拜以鐘鼓

爲節

鄭注故書  
趨作跋

跋當作趨書亦或爲趨肆夏采薺皆樂名或曰皆  
逸詩謂人君行步以肆夏爲節趨疾於步則以采  
薺爲節若今時行禮於大學罷出以鼓陔爲節環  
謂旋也拜直拜也

諸侯以貍首爲節

大射禮曰樂正命大師曰奏貍首間若一大師不  
興許諾樂正反位奏貍首以射貍首曾孫

詔來瞽臯舞

瞽當爲鼓臯當爲告呼擊鼓者又告當舞者持鼓

與舞俱來也鼓字或作瞽詒來瞽或曰來勅也勑爾瞽率爾眾工奏爾悲誦肅肅雍雍毋怠毋凶及徹帥學士而歌徹

謂將徹之時自有樂故帥學士而歌徹

令相

告當相瞽師者言當罷也瞽師盲者皆有相道之者故師冕見及階曰階也及席曰席也皆坐曰某在斯某在斯曰相帥之道與

舞射率射矢以弓矢舞

鄭注故書燕爲舞帥爲率射夫爲射矢

舞當爲燕率當爲帥射矢書亦或爲射夫

凡軍大獻教愷歌遂昌之

鄭注故書  
倡爲目

樂師主倡也昌當爲倡書亦或爲倡

並同上

大胥

掌學士之版以待致諸子

學士謂卿大夫諸子學舞者版籍也今時鄉戶籍  
世謂之戶版大胥主此籍以待當名聚學舞者卿  
大夫之諸子則按此籍以名之漢大樂律曰卑者  
之子不得舞宗廟之酎除吏二千石到六百石及

關內侯到五大夫子先取適子高七尺已上年十二到年三十顏色和順身體脩治者以爲舞人與古用卿大夫子同義注

春入學舍采合舞

舍采謂舞者皆持芬香之采或曰古者士見於君以雉爲摯見於師以菜爲摯菜直謂蔬食菜羹之菜或曰學者皆人君卿大夫之子衣服采飾舍采者減損解釋盛服以下其師也月令仲春之月上丁命樂正習舞釋采仲丁又命樂正入學習樂上

小胥

王宮縣諸侯軒縣卿大夫判縣士特縣

宮縣四面縣軒縣去其一面判縣又去其一面特

縣又去其一面四面象宮室四面有牆故謂之宮

縣軒縣三面其形曲故春秋傳曰請曲縣繁縷以

朝諸侯之禮也故曰惟器與名不可以假人

鄭注

凡縣鍾磬半爲堵全爲肆

春秋傳曰歌鍾二肆

同上

大師



教六詩曰風曰賦曰比曰興曰雅曰頌

古而自有風雅頌之名故延陵季子觀樂於魯時

孔子尙幼未定詩書而因爲之歌邶鄘衛曰是其

衛風乎又爲之歌小雅大雅又爲之歌頌論語曰

吾自衛反魯然後樂正雅頌各得其所時禮樂自

諸侯出頗有謬亂不正孔子正之曰比曰興比者

比方於物也興者託事於物

鄭注

帥瞽登歌令奏擊付

鄭注故書  
指爲付

登歌歌者在堂也付字當爲拊書亦或爲拊樂或

當擊或當拊登歌下管貴人聲也

下管播樂器令奏鼓鞀

下管吹管者在堂下鞀小鼓也先擊小鼓乃擊大鼓小鼓爲大鼓先故曰鞀鞀讀爲導引之引

大師執同律以聽軍聲而詔吉凶

師曠曰吾驟歌北風又歌南風南風不競多死聲楚必無功

大喪帥瞽而淫作噩

鄭注故瞽族爲淫

淫陳也陳其生時行迹爲作噩

並同上

小師

擘敎鼓鼗祝敎塤簫管弦歌

祝如漆簡中有椎敎木虎也塤六孔管如簾六孔

鄭注 後漢書顯宗紀章 懷大子注引應有六孔句

大祭祀登歌擊拊

拊者擊石

小樂事鼓鞀

鞀小鼓名

並同上

晉滕

諷刺詩

諷刺詩主誦詩以刺君過故國語曰賤賦賤諷

詩也

注鄭

典同

寧六律六同之和以辨天地四方陰陽之聲以爲樂器

陽律以竹爲管陰律以銅爲管竹陽也銅陰也各

順其性凡十二律故大師臚曰執同律以聽軍聲

注鄭

凡聲高聲硯正聲緩下聲肆

鍾形下當蹕正者不高不下鍾形上下正備

鍾師

王秦駟虞

駟虞聖獸

注

笙師

笙敎敎笙笙壘籥簫簴遠管春牘應雅以敎戒樂

竿三十六簦笙十三簦簴七空春牘以竹大五六寸長七尺短者一二尺其端有兩空繫畫以兩手

築地應長六尺五寸其中有椎雅狀如漆筒而弁口大二圍長五尺六寸以羊韋鞵之有兩紐疏蓋

鄭注 新崇義三禮圖卷五引竿三十六贊句文選潘安仁坐賦注引作竿十二贊○太平御覽卷五百八十四狀如漆筒云云作以竿鞵之有兩紐虛無底○汲古閣本組作紐

箒章

掌土鼓幽箒

幽箒幽國之地竹箒幽詩亦如之

鄭注

以樂田畯

田畯古之先敎田者爾雅曰畯農夫也

同上

太卜

以邦事作龜之八命一曰征二曰象三曰與四曰謀  
五曰果六曰至七曰雨八曰瘳

征謂征伐人也象謂災變雲物如衆赤鳥之屬有  
所象似易曰天垂象見吉凶春秋傳曰天事恒象  
皆是也與謂予人物也謀謂謀議也果謂事成與  
不也至謂至不也雨謂雨不也瘳謂疾病瘳不也

鄭注

以八命者贊三兆三易三夢之占以觀國家之吉凶

以詔救政

以此八事命卜筮著龜參之以夢故曰以八命者  
贊三兆三易三夢之占春秋傳曰筮襲於夢武王  
所用

凡國大貞卜立君卜大封則眡高作龜

貞問也國有大疑問於著龜作龜謂鑿龜令可藝  
也並同上

龜人

祭祀先卜



祭祀先卜者卜其日與其牲注鄭

祗祫

掌十輝之灋

輝謂日光烝也注鄭

一曰祫二曰象三曰鉞四曰監五曰閤六曰嘗七日

彌八曰叙九曰墜十曰愬

祫陰陽氣相侵也象者如赤鳥也鉞謂日旁氣四

面反鄉如輝狀也監雲氣臨日也閤日月食也嘗

日月蒼蒼無光也彌者白虹彌天也叙者雲有次

序如山在日上也墜者升氣也想者輝光也

鄭注集

韻上聲三講虹字注引白虹彌天句

大祝

一曰順祝二曰年祝三曰吉祝四曰化祝五曰瑞祝

六曰筴祝

順祝順豐年也年祝求永貞也吉祝祈福祥也化

祝弭災兵也瑞祝逆時雨寧風旱也筴祝遠罪疾

鄭注

掌六祈以同鬼神示一曰類二曰造三曰脩四曰禁

五曰攻六曰說

類造禴禁攻說皆祭名也類祭於上帝詩曰是類  
是禴爾雅曰是類是禴師祭也又曰乃立豕土戎  
醜攸行爾雅曰起大事動大衆必先有事乎社而  
後出謂之宜故曰大師宜於社造於祖設軍社類  
上帝司馬法曰將用師乃告于皇天上帝日月星  
辰以禱於后土四海神祇山川豕社乃造于先王  
然後豕宰徵師于諸侯曰某國爲不道征之以某  
年某月某日師至某國禁日月星辰山川之祭也

春秋傳曰日月星辰之神則雪霜風雨之不時於是乎禁之山川之神則水旱癘疫之災於是乎禁之

一曰祠二曰命三曰誥四曰會五曰禱六曰諫

祠當爲辭謂辭令也命論語所謂爲命裨諲草創之誥謂康誥盤庚之誥之屬也盤庚將遷於殷誥其世臣卿大夫道其先祖之善功故曰以通上下親疏遠近會謂王官之伯命事於會胥命於蒲主爲其命也禱謂禱於天地社稷宗廟主爲其辭也

春秋傳曰鉞之戰衛大子禱曰曾孫蒯瞶敢昭告  
皇祖文王烈祖康叔文祖襄公鄭勝亂從晉午在  
難不能治亂使鞅討之蒯瞶不敢自佚備持矛焉  
敢告無絕筋無破骨無面夷無作三祖羞大命不  
不敢請佩玉不敢愛若此之屬諫謂積累生時德  
行以錫之命主爲其辭也春秋傳曰孔子卒哀公  
誄之曰閔天不淑不憇遺一老俾屏余一人以在  
位嬛嬛予在疚嗚呼哀哉尼父無自律此皆有文  
雅辭令難爲者也故大祝官主作六辭或曰誄論

詔所謂誅曰禱爾於上下神祇

四曰牲號五曰齎號

牲號謂犧牲皆有名號曲禮曰牛曰一元大武豕  
曰剛鬣羊曰柔毛雞曰翰音齎號謂黍稷皆有名  
號也曲禮曰黍曰薌合梁曰薌苢稻曰嘉蔬少牢  
饋食禮曰敢用柔毛剛鬣士虞禮曰敢用絜牲剛  
鬣香合

辨九祭一曰命祭二曰衍祭三曰炮祭四曰周祭五  
曰振祭六曰擗祭七曰絕祭八曰繚祭九曰共祭

衍祭義之道中如今祭殤無所主命周祭四面爲  
坐也炮祭燔柴也爾雅曰祭天曰燔柴擣祭以肝  
肺菹擣醢醢中以祭也繇祭以手從肺木循之至  
於末乃絕以祭也絕祭不循其本直絕肺以祭也  
重肺賤肝故初祭絕肺以祭謂之絕祭至祭之木  
禮殺之後但擣肝鹽中振之擣之若祭狀弗祭謂  
之振祭特牲饋食禮曰取菹擣於醢祭於豆間鄉  
射禮曰取肺坐絕祭鄉飲酒禮曰右取肺左卻手  
執本坐弗繇右絕末以祭少牢曰取肝擣於醢振

祭鄭注 顓野王玉篇引云播祭以肝肺菹播鹽醢中以祭也

八曰褻摻九曰肅摻

褻拜今時持節拜是也肅拜但俯下手今時撝是也介者不拜故曰爲事故致肅使者

以肆皀潏尸

潏尸以皀浴尸

言甸人讀禱付練祥掌國事

甸人主設復稊大祝主言問其具稊物

設軍社類上帝國將有事



于四望及軍歸獻于社則前祝

春秋傳曰所謂君以師行祓社釁鼓祝奉以從者

也則前祝大祝自前祝也

並同

小祝

設熬置銘

銘書死者名於旌今謂之柩士喪禮曰爲銘各以其物亡則以緇長半幅頰末長終幅廣三寸書名于末曰某氏某之柩竹杠長三尺置于西階上重木置於中庭參分庭一在南竹餘飯盛以二鬲縣

於器用尊鼎取銘置于重

注鄭

大師掌鼙社祈號祝

鼙謂鼙鼓也春秋傳曰君以軍行祓社鼙鼓祝以從

有寇戎之事則保郊祀於社

謂保守郊祭諸祀及社無令寇侵犯之上

並同

喪祝

掌大喪勸防之事

勸防引柩也

注鄭

及辟令啓

辟謂除菽塗櫛也令啓謂喪祝主命役人開之也  
檀弓曰天子之殯也菽塗龍輴以樟加斧於梓上  
畢塗屋天子之禮也

及朝御匱乃奠

朝謂將葬朝於祖考之廟而後行則喪祝爲御柩  
也檀弓曰喪之朝也順死者之孝心也其哀離其  
室也故至於祖考之廟而後行殷朝而殯於祖周  
朝而遂葬故春秋傳曰凡夫人不殯於廟不祔於

姑則弗致也晉文公卒將殯於曲沃就宗廟晉宗廟在曲沃故曰曲沃君之宗也又曰丙午入于曲沃丁未朝于武宮及祖飾棺乃載遂御

祖謂將葬祖於庭象生時出則祖也故曰事死如事生禮也檀弓曰飯於牖下小斂於戶內大斂於阼殯於客位祖於庭葬於墓所以卽遠也祖時喪祝主飾棺乃載遂御之喪祝爲柩車御也或謂及祖至祖廟也

及壙說載除飾

壙謂穿中也說載下棺也除飾去棺飾也四跽之屬令可舉移安銷之

王弔則與巫前

喪祝與巫以桃眉執戈在王前檀弓曰君臨臣喪以巫祝桃茢執戈惡之也所以異於生也春秋傳曰楚人使公親薨公使巫以桃茢先祓殯楚人弗禁旣而悔之君臨臣喪之禮故悔之

甸祝

並同上

舍奠於祖廟禰亦如之

禰父廟

鄭注

詛祝

作盟詛之載辭

春秋傳曰使祝爲載書

鄭注

司巫

若國大旱則帥巫而舞雩

魯僖公欲焚巫尫以其舞雩不得雨

鄭注

女巫

旱暵則舞雩

求雨以女巫故檀弓曰歲旱繆公召縣子而問焉  
曰吾欲暴巫而奚若曰天則不雨而望之愚婦人  
無乃已疏乎注鄭

大史

頒告朔於邦國

頒讀爲班班布也以十二月朔布告天下諸侯故

春秋傳曰不書曰官失之也注鄭

閏月詔王居門終月

月令十二月分在青陽明堂總章立堂左右之位  
惟閏月無所居居于門故於文王在門謂之閏

大師抱天時與大師同車

大出師則大史主抱式以知天時處吉凶史官主  
知天道故國語曰吾非瞽史焉知天道春秋傳曰  
楚有雲如衆赤鳥夾日以飛楚子使問諸周大史  
大史主天道

大喪執瘞以涖勸防

勸防引六梯



凡射事飭中舍算

中所以盛算也

並同上

小史

掌邦國之志奠繫世辨昭穆若有事則詔王之忌諱  
志謂記也春秋傳所謂周志國語所謂鄭書之屬  
是也史官主書故韓宣子聘於晉觀書大史氏繫  
世謂帝繫世本之屬是也小史主定之瞽朦諷誦  
之先王死日爲忌名爲諱

鄭注

大祭祀讀禮灋史以書叙昭穆之俎凡

凡讀爲軌書亦或爲籒古文也大祭祀小史主叙其昭穆以其主定繫世祭祀史主叙其昭穆次其俎簋故齊景公疾欲誅於祀史

同上

保章氏

以星土辨九州之地所封封域皆有分星以觀妖祥春秋傳曰參爲晉星商主大火國語曰歲之所在則我有周之分野之屬是也

鄭注

以十有二歲之相觀天下之妖祥

太歲所在歲星所居春秋傳曰越得歲而吳伐之

必受其凶之屬是也

以五雲之物辨吉凶水旱降豐荒之祲象

以二至二分觀雲色青爲蟲白爲喪赤爲兵荒黑  
爲水黃爲豐故春秋傳曰凡分至啓閉必書雲物  
爲備故也故曰凡此五物以詔救政

內史

凡命諸侯及孤卿大夫則策命之

春秋傳曰王命內史興父策命晉侯爲侯伯策謂  
以簡策書王命其文曰王謂叔父敬服王命以綏

四國糾述王慰晉侯三辭從命受策以出注鄭

王制祿則贊爲之以方出之

以方出之以方版書而出之上農夫食九人其次  
食八人其次食七人其次食六人下農夫食五人  
庶人在官者其祿以是爲差諸侯之下士視上農  
夫祿足以代其耕也中士倍下士上士倍中士下  
大夫倍上士卿四大夫祿君十卿祿同

御史

言掌贊書數

今注疏本作掌贊書凡數從政  
省鄭注鄭司農讀言掌贊書數

書數者經禮三百曲禮三千法度皆在

上鄭

巾車

一曰玉路錫樊纓十有再就

纓謂當胷士喪禮下篇曰馬纓三就禮家說曰纓

當胷以削革爲之三就三重三匝也

注鄭

木路前樊鵠纓

鵠或爲結

同上

重翟錫面朱紕厭翟勒面績總安車彫面鷩總皆有

容蓋

鄭注故書朱總爲槐

錫馬面錫總當爲總書亦或爲總駟讀爲鳧駟之

駟駟總者青黑色以綰爲之總著馬勒直兩耳與

兩鑣容謂轡車山東謂裳幃或曰幃容鄭注文選謂希

宋孝武宣貞如諫注引總著馬勒至轡車

### 木車蒲蔽犬禡

蒲蔽謂羸蘭車以蒲爲蔽天子喪服之車漢儀亦

然犬禡以犬皮爲覆答鄭注

### 孤乘夏綠

鄭注故書夏篆爲夏綠

夏赤也綠綠色或曰夏篆篆讀爲圭瑑之瑑夏篆

穀有約也

注鄭

典路

與其用說

說謂舍車也春秋傳曰雞鳴而駕日中而說用謂

所宜用

注鄭

大喪大賓客亦如之

書顯命曰成王崩康王既陳先王寶器又曰大路

在賓階面贅路在阼階面先路在左塾之前次路

在右塾之前漢朝上計律陳屬車於庭故曰大喪

大賓客亦如之

同上

車僕

大射共三乏

乏讀爲匱乏之乏

鄭注



周禮鄭司農解詁卷四

夏官司馬第四

凡制軍萬有二千五百人爲軍王六軍大國三軍次  
國二軍小國一軍軍將皆命卿二千有五百人爲師  
師帥皆中大夫五百人爲旅旅帥皆下大夫百人爲  
卒卒長皆上士二十五人爲兩兩司馬皆中士五人  
爲伍伍皆有長

王六軍大國三軍次國二軍小國一軍故春秋傳  
有大國次國小國又曰成國不過半天子之軍周

爲六軍諸侯之大者三軍可也詩大雅常武曰赫  
赫明明王命卿士南仲太祖大師皇父整我六師  
以修我戎旣儆旣戒惠此南國大雅文王曰周王  
于邁六師及之此周爲六軍之見于經也春秋傳  
曰王使虢公命曲沃伯以一軍爲晉侯此小國一  
軍之見于傳也百人爲卒二十五人爲兩故春秋  
傳曰廣有一卒卒偏之兩

鄭注

司勛上士二人下士四人府二人史四人胥二人徒

二十人

鄭注故書  
勛作助

助讀爲勳勳功也此官主功賞故曰掌六鄉賞地

之法以等其功

鄭注

槩人中士四人府二人史四人胥一人徒二十人

槩讀爲芻槩之槩箭幹謂之槩此官主弓弩箭矢

故謂之槩人

趣馬下士阜一人徒四人

詩曰蹶維趣馬

並同上

大司馬

暴內陵外則壇之

壇讀從憚之以威之憚故書亦或爲墀

鄭注

乃以九近之籍施邦國之政職方千里曰國近其外  
方五百里曰甸近又其外方五百里曰甸近又其外  
方五百里曰男近又其外方五百里曰采近又其外  
方五百里曰衛近又其外方五百里曰蠻近又其外  
方五百里曰夷近又其外方五百里曰鎮近又其外  
方五百里曰蕃近

鄭注故書  
蠻爲近

近當言畿春秋傳曰天子一畿列國一同詩殷頌  
曰邦畿千里惟民所止

上地食者參之二其民可用者家三人中地食者半其民可用者二家五人下地食者參之一其民可用者家二人

上地謂肥美田也食者參之二假令一家有三頃歲種二頃休其一頃下地食者參之一田薄惡者所休多

辨鼓鐸鈸鐃之用王執路鼓諸侯執黃鼓軍將執晉鼓師帥執提旅帥執鼙卒長執鐃兩司馬執鐸公司馬執鈸

辨鼓鐸鐻鐻之用謂鉦鐸之屬鐻讀如濁其源之  
濁鐻讀如謹曉之曉提讀如攝提之提謂馬上鼓  
有曲木提持鼓立馬髦上者故謂之提

有司表貉誓民

貉讀爲禡禡謂師祭也書亦或爲禡

虞人萊所田之野

芟除其草萊令車得驅馳詩曰田卒汙萊並同

提鐸

提讀如堯

鄭注

盧貢切搖也

集韻去聲一送搖字注

險野人爲主易野車爲主

險野人爲主人居前易野車爲主車居前注

大獸公之小禽私之

大獸公之輸之於公小禽私之以自昇也詩云言

私其豸獻肩于公一歲爲豸二歲爲豸三歲爲特

四歲爲肩五歲爲慎此明其獻大者於公自取其

小者鄭注集韻上平聲十七真慎字注引獸五歲爲慎句

及所獎

及所獎至所獎之處並同上

及致建大常庀軍衆

鄭注比或作庀

致謂聚衆也庀具也

鄭注

若師有功則左執律右秉鉞以先愷樂獻于社

故城濮之戰春秋傳曰振旅愷以八于晉

若師不功則厭而奉主車

厭謂厭冠喪服也軍敗則以喪禮故秦伯之敗於

殽也春秋傳曰秦伯素服郊次鄉師而哭

大役與慮事屬其植受其要以待攷而賞誅

國有大役大司馬與謀慮其事也植謂部曲將吏



故宋城春秋傳曰華元爲植巡功屬謂聚會之也

要者簿書也攷謂考校其功

大祭祀饗食羞牲魚投其祭

大司馬主進魚牲

大喪平士大夫

平一其服也

並同上

司勳

凡頒賞地參之一食

不以美田爲采邑

鄭注

惟加田無國正

正謂稅也祿田亦有給公家之賦貢若今時候自有司農少府錢穀矣獨加賞之田無正耳同上  
馬質

一曰戎馬二曰田馬三曰駑馬皆有物賈

皆有物色及賈直鄭注

綱惡馬

綱讀爲以亢其轡之亢書亦或爲亢亢御也禁也  
禁去惡馬不畜也

馬死則旬之內更旬之外入馬耳以其物更其外否

更謂償也

並同上

量人

營軍之壘舍量其市朝州涂軍社之所里

量其市朝州涂還市朝而爲道也

鄭注

還繞也

集韻去聲

三十詠

還字注

凡祭祀饗賓制其從獻脯燔之數量

從獻者肉殽從酒也

鄭注

凡宰祭與饗人受筭歷而皆飲之

十八卷六十一

竽讀如嫁娶之嫁竽器名明堂位曰爵夏后氏以

琖殷以竽周以爵同上

小子

掌祭祀羞羊肆羊殽肉豆

羞進也羊肆體薦全烝也羊殽體解節折也肉豆

切肉也鄭注

而掌珥于社稷祈于五禩鄭注故書

禩讀為祀書亦或為祀珥社稷以牲頭祭也鄭注

凡沈辜侯禴飾其牲

沈謂祭川爾雅曰祭川曰浮沈辜謂磔牲以祭也  
月令曰九門磔禩以畢春氣候饕餮四時惡氣禩  
去之也同上

司燿

四時變國火以救時疾

鄒子曰春取榆柳之火夏取棗杏之火季夏取桑  
柘之火秋取柞楸之火冬取槐檀之火注鄭

季春出火民咸從之季秋內火民亦如之

以三月木時昏心星見于辰上使民出火九月本

黃昏心星伏在戌上使民內火故春秋傳曰以出

內火同上

掌固

掌修城郭溝池樹渠之固

國語曰城守之木於是乎用之

鄭注

挈壺氏

挈挈壺以令軍井挈轡以令舍挈畚以令糧

挈壺以令軍井謂爲軍穿井井成挈壺縣其上令軍中士衆皆望見知此下有井壺所以盛飲故以

壺表非弩轡以令舍本縣轡于所當舍止之處使  
軍望見知當舍止于此轡所以駕舍故以轡表舍  
挈舂以令糧亦縣舂于所當稟假之處令軍望見  
知當稟假于此下也舂所以盛糧之器故以舂表  
稟軍中人多車騎雜會謹嚴號令不能相聞故各  
以其物爲表省煩趨疾于事便也

鄭注 文選陸  
佐公新刻漏銘

注引至以壺表  
非下有舂字

縣壺以序聚櫟

縣壺以爲漏以序聚櫟以次更聚櫟備守也

及冬則以火爨鼎水而沸之而沃之

冬水凍不下故以火炊水沸以沃之謂沃漏也並同

射人

王以六耦射三侯三獲三容樂以騶虞九節五正諸侯以四耦射二侯二獲二容樂以狸首七節三正孤卿大夫以三耦射一侯一獲一容樂以采蘋五節二正士以三耦射豳侯一獲一容樂以采芣五節一正三侯虎熊豹也容者乏也待獲者所蔽也九節析



羽九重設於長杠也。正所射也。詩云終日射侯不

出正兮二侯熊豹也。豸者獸名也。獸有貍豸熊虎

鄭十尺曰侯四尺曰鵠二尺曰正四寸曰質詩小雅賓

之初筵孔穎達正義引周禮鄭衆馬融

若王大射則以狸步張三侯

狸步謂一舉足爲一步於今爲半步

王射則令去侯立于後以矢行告卒令取矢

射人主令人去侯所而立于後也以矢行告射人

主以矢行高下左右告于王也大射禮曰大射正

立于公後以矢行告于公下曰留上曰揚左右曰  
方杜子春說以矢行告告白射事于王王則執矢  
也杜子春說不與禮經合疑非是也卒令取矢謂  
射卒射人令當取矢者使取矢也並同上  
服不氏

賓客之事則抗皮

謂賓客來朝聘布皮帛者服不氏主舉藏之抗讀  
爲亢其讐之亢

射鳥氏

射則取矢在侯高則以并夾取之

王射則射烏氏主取其矢矢在侯高者矢著侯高  
人手不能則以并夾取之并夾鉞箭具夾讀爲甲  
故司弓矢職曰大射燕射共弓矢并夾注鄭

羅氏

蜡則作羅襦

蜡謂十二月大祭萬物也郊特牲曰天子大蜡謂  
歲十二月合聚萬物而索饗之襦細密之羅襦謂  
爲縞有衣袂之縞注鄭

司士

掌羣臣之班

鄭注故書版爲班

班書或爲版版名籍

鄭注

孤卿特揖大夫以其等旅揖士旁三揖王還揖

卿大夫士皆君之所揖禮春秋傳所謂三揖在下

掌擯士者膳其摯

膳其摯者王食其所執羔鴈之摯

作六軍之士執披

披者扶持棺險者也天子旁十二諸侯旁八大夫

六士四並同

諸子

掌國子之卒

鄭注故書  
倅爲卒

卒讀如物有副倅之倅國子謂諸侯卿大夫士之  
子也燕義曰古者周天子之官有庶子官與周官

諸子同文

鄭注

節服氏

維王之大常

維持之

鄭注

大僕

掌諸侯之復逆

復謂奏事也逆謂受下奏

鄭注

以待達窮者與遽令聞鼓聲則速逆御僕與御庶子窮謂窮究失職則來擊此鼓以達於王若今時上變事擊鼓矣遽傳也若今時驛馬軍書當急聞者亦擊此鼓令聞此鼓聲則速逆御僕與御庶子也大僕令此二官使速逆窮遽者

大喪始崩戒鼓傳達于四方寔亦如之

窆謂葬下棺也春秋傳所謂日中而崩禮記謂之封皆葬下棺也音相似窆讀如慶封汜祭之汜

祭僕

凡祭祀王所不與則賜之禽都家亦如之

王之所不與謂非郊廟尊祭祀則王不與也則賜之禽公卿自祭其先祖則賜之禽也

鄭注

隸僕

掌五寢之埽除糞洒之事

洒當爲灑

鄭注

王行洗乘石

乘石王所登上車之石也詩云有扁斯石履之卑  
今謂上車所登之石

掌蹕官中之事

蹕謂止行者清道若今時做蹕

並同上

升師

諸侯之纁旂九就璫玉三采

纁當爲藻纁古字也藻今字也同物同音璫惡玉

名

鄭注釋文藻音  
早同農云古藻字



王之皮弁鄭注故書五采玉璫象邸玉弁鄭注故書

脣讀如馬會之會謂以五采束髮也士喪禮曰棺

用組乃笄脣讀與脣同書之與耳說曰以組束髮

乃著笄謂之脣沛國人謂反紒為脣璫讀如璫車

轂之璫鄭注

司兵

掌五兵五盾

五兵者戈殳戟酋矛夷矛鄭注

大喪淫五兵鄭注故書

淫陳也淫讀爲厭

鄭注

王弓弧弓以授射甲革樞質者

樞字或爲鞞非是也  
圉師職曰射則充樞質又此  
司弓矢職曰澤共射樞質之弓矢  
言射樞質自有弓謂王弧弓也  
以此言之言鞞質者非

恒矢痺矢用諸散射

痺矢讀爲人罷短之罷

澤共射樞質之弓矢

澤澤宮也所以習射選士之處也  
射義曰天子將

祭必先習射於澤澤者所以擇士也已射於澤而  
后射於射宮射中者得與於祭

並同上

繕人

扶拾

扶者所以縱弦也拾者所以引弦也詩曰扶拾既  
次詩家說或謂扶謂引弦弦也拾謂鞬扞也

鄭注

槩人

瞽其等以饗工

書工功拙高下之等以制其饗食也

鄭注

乘其事試其弓弩以下上其食而誅賞

乘計也計其事之成功也故嘗試爲考同上

戎右

盟則玉敦辟盟遂役之

敦器名也辟法也注鄭

贊牛耳桃茢

贊牛耳春秋傳所謂執牛耳者同上

授人

凡頒良馬而養乘之乘馬一師四圍

四匹爲乘養馬爲圉故春秋傳曰馬有圉牛有牧

鄭注

凡馬特居四之一

四之一者三牝一牡

春祭馬祖執駒

執駒無令近母猶攻駒也二歲曰駒三歲曰駉

夏祭先牧頒馬攻特

攻特謂驟之

秋祭馬社臧僕

臧僕謂簡練馭者令皆善也

飾幣馬執扑而從之

按人主飾之也幣馬以馬遺人當幣處者聘禮曰馬則北面奠幣于其前士喪禮下篇曰薦馬纓三就入門北面交轡圉人夾牽之馭者執策立于馬後

宮中之稍食

稍食曰廩

並同上

巫馬

馬死則使其買粥之入其布于按人

其屬小吏賈二人粥賣也

鄭注 文選劉孝標廣絕交論注引

庾人

教以阜馬佚特教駢攻駒及祭馬祖祭閑之先牧及執駒散馬耳圉馬

馬三歲曰駢二歲曰駒散讀爲中散大夫之散謂

聒馬耳毋令善驚也

鄭注

馬八尺以上爲龍

月令曰駕倉龍同上

圉師

夏訝馬

鄭注故書房爲訝

訝當爲疥

鄭注

職方氏

四夷八蠻七閩九貉五戎六狄之人民

東方曰夷南方曰蠻西方曰戎北方曰貉狄

鄭注

其川淮泗其浸沂沭

淮或爲睢沭或爲沫



其澤數曰弦蒲

弦或爲形蒲或爲浦

並同上

凡邦國千里封公以方五百里則四公方四百里則  
六侯方三百里則七伯方二百里則二十五子方百  
里則百男以周知天下

此制亦見大司徒職曰諸公之地方五百里諸侯  
之地方四百里諸伯之地方三百里諸子之地方  
二百里諸男之地方百里

鄭注